

INUIT ATAQATIGIIT

Inatsisartuni



UKA 2020/190

05. oktober 2020

Múte Bourup Egede

Uunga siunnersuut: Unammilleqatigiinneq pillugu Inatsisartut Inatsisaata allanngortinnissaa pillugu Inatsisartut inatsisaat nr. xx, xx. xxx 2020-meersoq.

(Inuussutissarsiornermut Aatsitassanullu Naalakkersuisoq)

Inuit Ataqatigiit Naalakkersuisut, Unammilleqatigiinneq pillugu Inatsisartut Inatsisaata allanngortinnissaa pillugu Inatsisartut inatsisaat nr. xx, xx. xxx 2020-meersoq, pillugu imaattumik oqaaseqassaagut.

Siunnersuummi piginneqatigiit kattunnerini inuiaqatigiinnut sunniuteqarnerlunnginnissaat siunertarineqarpoq. Kiisalu eqqunngitsumik ingerlasoqarneranni kinaanermik isertuussilluni unnerluussisoqarsinnaanera illersugaasumik pineqarput.

Inatsisissatut siunnersuutip siunertai paasilluarpagut taamaattorli maluginiarparput inatsisissatut siunnersuut pineqartoq 2014-imi tunngavilerneqarneraniit, ullumikkut ukiut arfinillit qaangiutiinnartut pingajussaa allanngortinneqalermat.

Allannguikulasimaneq imminermini tunngavissaqarsimassaaq, Inuit Ataqatigiilli isumaqarput nunatsinni inatsisiliavut allanngorarpallaartinneqartariaqanngitsut. Inuiaqatigiinnut inuussutissarsortunullu sinaakkusiavut patajaatsuusariaqarmata nikerarpallaartinneqaratillu.

Siunnersuut manna iluatsillugu sammisamut attuumassutilinnik arlariinnik Naalakkersuisut nassuaateqaqqagut.

Siullermik ersarissarumavarput, inuiaqatigiinni pisuussutitta aningasaatittalu nunatta avataanut apeqqusinngipajaarlugu aniaterusaaginnarnerat Naalakkersuinikkut isummerfigineqartariaqalermat.

Tamanna isumaqanngilaq nunatta avataaneersunit mattussiniarnerusoq. Isumaqaporli inuiaqatigiit, tassa nunatta pisuussutaanut piginnittut pissarsiaqarnerpaajunissaanik qulakkeerinnikkumaneq.

Ilaatigummi inuiaqatigiittut nammineq kiffartuussinerit suliarisinnasavut imaluunniit pisuussutitsinnik atuinikkut inerisarsinnaasavut nunatta avataanut imissutigisarpavut. Soorlu inatsisilerituunik, allaffisornermi pisariaqartitanik kiffartuussisunik atuinerit.

Naalakkersuisunut nassuaqqarput, Naalakkersuisut Siulittaasuata qineqquaarnerit tamaasa qineqquaarutigisartagaa, tassalu nunatsinni aningasaat kaaviaartut kiisalu nunatta avataanut aniasut nalunaarsorneqarnissaat (Pengestrømsanalyse) qaqagu naammassiniarneqarnersoq.

Ilanngulluguttaaq Naalakkersuisunut nassuaqqarput Inatsisartut UKA 2020-mi ataatsimiinneranni suliffeqarfinni piginnittuiit nalunaarsorneqartalernissaanut tunngasoq, Inatsisartullu tapersigaat. Ukiaq mammalu Inatsisartunut qaqinneqartussaagaluaq soog Naalakkersuisunit qaqinneqannginnersoq.

INUIT ATAQATIGIIT

Inatsisartuni



Inatsisartummi Naalakkersuisunut sulisitsisuusut suliakkiussaat Naalakkersuisunit soqutigittaatsumik suliarinngitsoorneqartarneri qinigaaffimmi uani pisoq ileqqupalaanngortorlu akuerineqarsinnaanngilaq. Inatsisartoqarnermut innarliisutut allaat oqaatigisariaqarluni.

Taamak oqaaseqarluta inatsisissatut siunnersuut sukumiisumik ataatsimiitsitaliami susassaqartumi suliarineqartussanngorlugu inassutigaarput.